




PARLAMENTO DI KÒRSOU

Parliament of Curaçao Parlamento de Curazao Staten van Curaçao



Na: Presidente di Parlamento di Kòrsou

Sra. Ch. America-Francisca

Wilhelminaplein 4

Presente

Willemstad, 30 yanüari 2024

Tópiko: Petishon pa reunion di komishon sentral tokante Lei di AOV

Apresiabel Sra. America-Francisca,

Durante tratamentu di e presupuesto a bini dilanti ku nos mester bai pone atenshon na e lei di AOV (Landsverordering Algemene Ouderdomsverzekering P.B. 1960 no. 83) ku aktualmente ta konserní kasi un tersera parti di nos pais.

Di e 51 mil hendenan ku ta kobra AOV, alrededor di 9 mil hende ta risibí esaki komo úniko entrada. Teniendo kuenta ku gobièrnu ta premirá ku lo no bini indeksashon di e montante ku e personanan ku ta kobra esaki so, apesar ku ta premirá un kresementu ekonómiko, ta hopi importante pa frakshon di PAR deliberá ku gobièrnu riba e lei di AOV i e trayekto pa kambia esaki.

Segun investigashonnan hasí na Kòrsou, e grupo di personanan ku ta kobra AOV, ta den risiko mas haltu pa kai den pobresa. P'esei mester tin un maneho di prevenshon dirigí riba e grupo aki spesífiko, pa asina yega na un direkshon i solushon pa salvaguardiá e kalidat di bida di e penshonado.

Pa garantisá ku protekshon di esnan mas vulnerabel den komunidad ta wòrdu garantisá pa futuro i no ta dependé di e beis/motivashon di kada mandatario, ta nesario adaptá e lei di AOV ku e urgensia nesario i den e quadro aki ta nesario pa Gobièrnu skucha posishon di Parlamento den esaki mas pronto ku ta posibel den e trayekto.



P'e motibu aki Frakshon di PAR, hasiendo uso di artíkulo 33 di nos Reglamento di Órdu, ta pidi un reunion di komishon sentral riba e tópiko ariba menshoná. Pa e reunion aki nos ta invitá Minister di SOAW, sra. Larmonie-Cecilia, pa ta presente na e reunion aki.

Nos ta supliká presidente pa yama e reunion aki ku karakter di urgensia.

Atentamente,

Frakshon di PAR

Ana Maria Fauletta

Quincy Girigorie

Steven Croes

Zita Jesus-Leito, MBA